

# 16 - Rusariu 'ncumprimentu

Testo e melodia registrati a S. Andrea dello Jonio (CZ) nel giugno 1983 dalla viva voce di Caterina Carioti, 70 anni. Questo canto racchiude anche alcune preghiere.

*Moderato - Strofe 1-3*

E' dit-tu stu ro - sa - riu 'ncumprimentu;  
 l'a-vi - mu dittu cu la li - te - ni - a.

*Recitativo - Strofe 4-17*

Ed al - l'a-ria di ssa ca - sa su tre lu-mi rispran - den - ti, ed a lu cantu sant'AnnaeMa - ri - a, all'a-tru can-tu su l'angiuli mbi - a - ti.

1.  
 E' dittu stu rusariu 'ncumprimentu,  
 l'avimu dittu cu la litania.

2.  
 Ca 'mparadisu non nci manca nenta,  
 si goda le bellezze (o) de Maria.

3.  
 Maria, chi bella rosa e bellu 'nguentu,  
 chi sempi av'a prigari lu veru Missia.

4.  
 Ed all'aria di ssa casa  
 su tre lumi risprandenti  
 ed a lu cantu sant'Anna e Maria  
 ed all'atru cantu su l'angiuli mbiati.

5.  
 Chi pe nui stann'a pregari,\*  
 stannu a pregari lu veru Missia,  
 lu redentori de l'anima mia. \*\*

6.  
 O ver'angiulu de Diu,  
 si caru fideli cumpagnu miu:  
 accumpagnami stanotti,  
 non mu mori de mala morti.

7.  
 O ver'angiulu de Diu,  
 si caru fideli cumpagnu miu;  
 accumpagnami stanotti,  
 Diu mu mi manda na santa morti.

8.  
 La benaditta, la santa, purissima,\*  
 m'arriccumandu, Vergini Maria. \*\*

9.  
 Bona sera, Madonna mia,  
 io vi saluto, la serva tua  
 milli vuati e settacientu  
 nui adoramu lu sacramentu.

10.  
 L'adoramu di chilla ura  
 chi nesciu nostru Signuri;  
 ed o Vergini Maria,  
 bona sera, Madonna mia.

11.  
O Madonna di lu rosaru,  
vui chi siti Matre divina,  
io vi l'appresentu chissu rusaru  
nui chi dissimu stasira.

12.  
E si ncarchi cosa manchi,  
vui, Madonna, pirdunatimmilla;  
la Madonna rispundi e dici:  
"E chi macula non ha?"

13.  
Lu rosariu a mia mi dici  
e de mia non ti scordari;  
de' ra morte e de ra vita  
io vi vegnu a salutà".

14.  
San Duminicu lu mbiatu,  
stu rusariu a vui fu datu,  
da Maria ,la virginella,  
tutta pura e tutta bella.

15.  
Tutti 'nsemi nu' vi prigamu,  
comu nui 'nsemi vi aduramu  
la purissima grolia tua,  
a Maria e a Gesù.

16.  
E Gesù ch'è nostru Patri,  
e Maria ch'è nostra Matri;  
tutti 'nsemi la cumpagnia:  
Gesù, Duminicu e Maria.

17.  
O Riggina, la 'ncurunata,  
dolce Vergini (o) Matre Maria,  
a vui s'è reccumendata  
tutta la notte la cumpagnia.

*Cfr. R. Lombardi-Satriani ai nn. 3048-3052, che riguardano i paesi di San Procopio, S. Costantino, Acri, Umbriatico Ricadi).*

